



Broj: 03-16-8-1185-14/15
Sarajevo, 29.8.2016.

Na osnovu člana 64. stav (1) tačka a) i člana 70. st. (1), (3) i (6) Zakona o javnim nabavkama ("Službeni glasnik BiH", broj 39/14), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) i člana 8. stav (2) tačka f) Pravilnika o uspostavljanju i radu Komisije za nabavke ("Službeni glasnik BiH", broj 103/14), u postupku nabavke usluga servisiranja službenih vozila Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine donosi

ODLUKU O IZBORU NAJPOVOLJNIJEG PONUDAČA

I.

(1) Okvirni sporazum za nabavku usluga servisiranja službenih vozila Parlamentarne skupštine Bosne i Hercegovine u ukupnoj vrijednosti do 30.000,00 KM za period od 24 mjeseca, dodjeljuje se jedinom prihvatljivom ponuđaču AC QUATTRO d.o.o. Sarajevo, čija je ponuda po utvrđenom kriteriju "ekonomski najpovoljnija ponuda" sa podkriterijima: 1. Cijena – čija je vrijednost 90 % i 2. Operativni troškovi dostave vozila na servis – čija je vrijednost 10 %, izabrana kao najpovoljnija ponuda sa ukupnim brojem bodova 82,66.

(2) Za naručene usluge servisiranja službenih vozila zaključivat će se pojedinačni mjesečni ugovori po cijenama iz Ponude ponuđača AC QUATTRO d.o.o. Sarajevo, broj: 011/2016, od 5.1.2016. a ukupan zbir cijena iz pojedinačnih ugovora neće preći prethodno pomenutu vrijednost Okvirnog sporazuma za navedeni period.

II.

(1) Izabrani ponuđač dužan je dostaviti dokaze o kvalificiranosti u pogledu lične sposobnosti i ekonomsko-finansijske sposobnosti u roku od 5 (pet) dana od dana prijema obavještenja o izboru najpovoljnijeg ponuđača, prema tački 3.9. Konkurentskog zahtjeva za dostavu ponuda za nabavku usluga servisiranja službenih vozila Parlamentarne skupštine Bosne i Hercegovine, broj: 03-16-8-1185-6/15, od 25.12.2015.

(2) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, ova Odluka o izboru najpovoljnijeg ponuđača će se poništiti.

III.

Prijedlog Okvirnog sporazuma dostavit će se na potpis izabranom ponuđaču po isteku roka od pet dana, računajući od dana kada su svi ponuđači obavješteni o izboru najpovoljnijeg ponuđača pod uslovom da žalba nije uložena i nakon prethodno pribavljenog mišljenja Pravobranilaštva BiH.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

V.

Ova Odluka stupa na snagu danom donošenja i dostavlja se svim ponuđačima koji su učestvovali u postupu javne nabavke, shodno članu 71. stav (2) Zakona o javnim nabavkama.

Образложење

Postupak javne nabavke pokrenut je Odlukom o nabavci usluga servisiranja službenih vozila Parlamentarne skupštine Bosne i Hercegovine, broj: 03-16-8-1185/15, od 11.9.2015. Javna nabavka provedena je putem konkurentskog zahtjeva za dostavu ponuda. Procijenjena vrijednost javne nabavke iznosi 30.000,00 KM sa uračunatim PDV-om, za period trajanja Okvirnog sporazuma od 24 mjeseca. Obavještenje o nabavci broj: 166-7-2-25-3-12/15 je objavljeno 25.12.2015.godine na Portalu javnih nabavki, a istovremeno je Konkurentski zahtjev za dostavu ponuda, broj: 03-16-8-1185-6/15, od 25.12.2015. upućen i na adrese tri ponuđača i to:

- AUTOSERVIS NV BANJA LUKA, Prote Nikole Kostića 1, 78 000 Banja Luka,
- M.R.M. export-import d.o.o. Ljubuški, Put za Međugorje b.b., 88 320 Ljubuški i
- AC QUATTRO d.o.o. Sarajevo, Put života 1, 71 000 Sarajevo.

Komisija za nabavke imenovana je Odlukom Kolegija Sekretarijata, broj: 03-34-1-1157/15, od 3.9.2015. Do termina zakazanog za predaju ponuda odnosno do 11.1.2016 do 12 sati za ovu nabavku pristigle su dvije ponude i to:

Redni broj zaprimanja ponuda	Naziv i sjedište ponuđača
1.	AC QUATTRO d.o.o. Sarajevo, Put života 1, 71 000 Sarajevo
2.	M.R.M. export-import d.o.o., Put za Međugorje bb, 88 320 Ljubuški

Komisija za nabavke je izvršila javno otvaranje ponuda i evaluaciju istih o čemu je sastavljen Zapisnik o zaprimanju ponuda, broj: 03-16-8-1185-7/15, od 11.1.2016, Zapisnik o otvaranju ponuda od 11.1.2016. i Zapisnik o pregledu i ocjeni ponuda, broj: 03-16-8-1185-10/15, od 28.1.2016. sa preporukom o izboru najpovoljnijeg ponuđača. Zapisnikom je konstatovano da ponude firmi AC QUATTRO d.o.o. Sarajevo i M.R.M. export-import d.o.o. Ljubuški ispunjavaju sve formalno pravne, ekonomske i tehničke uslove, odnosno zahtjeve ugovornog organa definisane tenderskom dokumentacijom, te su prihvatljive za ugovorni organ i mogu biti predmetom vrednovanja. Takođe je konstatovano da je Komisija, u toku evaluacije ponuda, od firme M.R.M. export-import d.o.o. Ljubuški zatražila ispravku računskih grešaka, koje su prihvaćene dopisom broj: O-001-183-1/2016, od 27.1.2016. Tokom evaluacije primjenjen je i preferencijalni faktor na cijenu Ponude firme M.R.M. export-import d.o.o. Ljubuški, jer potpada pod primjenu preferencijalnog tretmana domaćeg, dok ponuda ponuđača AC QUATTRO d.o.o. Sarajevo ne uživa status preferencijalnog tretmana domaćeg za ovu nabavku. Nakon vrednovanja i rangiranja prihvatljivih ponuda shodno utvrđenom kriteriju „ekonomski najpovoljnija ponuda“ sa podkriterijima: 1. Cijena – čija je vrijednost 90% i 2. Operativni troškovi dostave vozila na servis – čija je vrijednost 10 % prema metodologiji utvrđenoj u konkurentskom zahtjevu, utvrđen je tabelarni pregled-rang lista prihvatljivih ponuda ponuđača, kako slijedi:

Ponuđač	Podkriteriji za primjenu kriterija ekonomski najpovoljnija ponuda	Primjena preferencijalnog faktora/umanjenje cijene od 15% isključivo u svrhu poređenja ponuda	Bodovanje Podkriterij 1. maksimalno 90 bodova Podkriterij 2. maksimalno 10 bodova.	Rang lista

M.R.M. d.o.o. Ljubuški	1. Ukupna cijena svih usluga servisiranja i popravki, te rezervnih dijelova za sva vozila bez datog popusta i sa uključenim PDV-om + prihvaćena računska ispravka iznosi 12.921,68 KM.	10.983,43 KM	90	1 (prvi)
	2. Operativni troškovi dostave vozila na servis: <ul style="list-style-type: none"> udaljenost lokacijski najbližeg servisa ponuđača u Mostaru, u ulici Bišće polje b.b. od sjedišta ugovornog organa u oba smjera iznosi 220 kilometra. 		0,064	
	UKUPNO BODOVA			
AC QUATTRO d.o.o. Sarajevo	1. Ukupna cijena svih usluga servisiranja i popravki, te rezervnih dijelova za sva vozila bez datog popusta i sa uključenim PDV-om iznosi 13.604,39 KM.	Nema primjene preferencijalnog faktora.	72,66	2 (drugi)
	2. Operativni troškovi dostave vozila na servis: <ul style="list-style-type: none"> udaljenost lokacijski najbližeg servisa ponuđača u Sarajevu, u ulici Put života broj 1 od sjedišta ugovornog organa u oba smjera iznosi 1,4 kilometra. 		10	
	UKUPNO BODOVA			

Shodno navedenom, Komisija za nabavke preporučila je Kolegiju Sekretarijata (Zapisnik, broj: 03-16-8-1185-10/15, od 28.1.2016. u prilogu), da u postupku nabavke usluga servisiranja službenih vozila Parlamentarne skupštine BiH donese Odluku o izboru najpovoljnijeg ponuđača za prvorangiranog ponuđača M.R.M. export-import d.o.o. Ljubuški, čija je ponuda po utvrđenom kriteriju "ekonomski najpovoljnija ponuda" sa podkrijerijima: 1. Cijena – čija je vrijednost 90 % i 2. Operativni troškovi dostave vozila na servis – čija je vrijednost 10 %, izabrana kao najpovoljnija ponuda sa ukupnim brojem bodova 90,064.

Kolegij Sekretarijata Parlamentarne skupštine Bosne i Hercegovine nije jednoglasno prihvatio preporuku Komisije za nabavke da prvorangiranog ponuđača M.R.M. export-import d.o.o. Ljubuški izabere za realizaciju Javne nabavke usluga servisiranja službenih vozila Parlamentarne skupštine Bosne i Hercegovine, te je sekretar Zajedničke službe Sekretarijata Parlamentarne skupštine BiH zatražio od Komisije za nabavke dodatne informacije i pojašnjenja u vezi sa izborom najpovoljnijeg ponuđača. Komisija za nabavke se Zapisnikom, broj 03-16-8-1185-10a/15, od 11.2.2016. očitovala po zahtjevu sekretara Zajedničke službe, navodeći da Zapisnik o pregledu i ocjeni ponuda, broj: 03-16-8-1185-10/15, od 28.1.2016., sadržava sve potrebne informacije u vezi s postupkom nabavke i izborom najpovoljnijeg ponuđača, te da su se upoznali sa zapažanjima pomoćnika sekretara Zajedničke službe koja su se odnosila na nekoliko nepravilnosti na punomoći u ponudi ponuđača M.R.M. export-import d.o.o. Ljubuški, po kojoj su ovjerene izjave iz člana 45., 47. i

52. Zakona o javnim nabavkama. Zatim je sekretar Zajedničke službe Sekretarijata Parlamentarne skupštine BiH izdao Nalog za pokretanje interne revizije, broj: 03/a-16-1-565/16, od 16.2.2016. s ciljem potvrde da je postupak javne nabavke usluga servisiranja službenih vozila obavljen u skladu s važećim propisima, te da je menadžment uspostavio adekvatan sistem internih kontrola koji će spriječiti nastanak grešaka u provođenju postupaka javnih nabavki. Jedinica za internu reviziju Zajedničke službe Sekretarijata Parlamentarne skupštine BiH je obavila reviziju po nalogu,, te Izvještaj o reviziji po nalogu "Postupak nabavke usluga servisiranja službenih vozila u Parlamentarnoj skupštini Bosne i Hercegovine", broj: 03/16-16-1-565-3/16, dostavila Kolegiju Sekretarijata 29.2.2016. Pomenutim izvještajem interna revizija je utvrdila 4 zaključka/preporuke u vezi s navedenim postupkom nabavke, s tim da je pod trećim zaključkom navedeno: "... Uvidom u dokumentaciju utvrdili smo da je punomoć, za ovjeru izjava u vezi s tenderskom dokumentacijom, važila za 2015., a da su Izjave iz članova 45., 47. i 52. Zakona o javnim nabavkama ovjerene u 2016. godini. ... s preporukom "... Potrebno je da Komisija, imenovana za provođenje postupka predmetne javne nabavke, izvrši ponovnu evaluaciju dostavljenih ponuda kako bi utvrdila potpunost i ispravnost dostavljene dokumentacije, te njenu usklađenost sa važećim zakonskim propisima." Kolegij Sekretarijata je dopisom, broj: 03-50-13-25-19,3/16, od 10.3.2016., navedeni Izvještaj o reviziji po nalogu dostavio Komisiji za nabavke radi razmatranja i očitovanja, a dana 17.3.2016. zaprimio Odgovor Komisije, pod brojem: 03-16-8-1185-10b/15, od 16.3.2016. u kojem je, između ostalog navedeno, da se o utvrđenim zaključcima i preporukama iz Izvještaja o reviziji po nalogu ne može očitovati, jer je Komisija svoje poslove u postupku nabavke usluga servisiranja službenih vozila završila potpisivanjem Zapisnika o pregledu i ocjeni ponuda, broj: 03-16-8-1185-10/15, od 28.1.2016. u kojem je Kolegiju Sekretarijata dala preporuku o izboru najpovoljnijeg ponuđača, te da i dalje ostaje u okviru navoda konstatovanih u navedenom zapisniku, s tim da se jedan član Komisije izuzeo od navedenog mišljenja Komisije u pogledu ispravnosti ovjere Izjava iz člana 45., 47. i 52. Zakona o javnim nabavkama po punomoći u okviru Ponude ponuđača M.R.M. export-import d.o.o. Ljubuški. Potom je Kolegij Sekretarijata uputio Agenciji za javne nabavke BiH i Uredu za razmatranje žalbi Molbu za mišljenje u vezi pravilne primjene i postupanja u nastaloj situaciji, broj: 03-16-8-1185-11/15, od 29.3.2016., na što je Agencija za javne nabavke, Filijala Mostar odgovorila dopisom broj: 04-02-1-1754-2/16 od 6.5.2016. (zaprimljeno pod brojem: 03-16-8-1185-11/15, od 8.4.2016.). u kojem se navodi: „ ... u vašem konkretnom slučaju vezano za ovjeru punomoći te kako je dostavljena u kojoj formi, a za koju se javljaju dileme da li je ista pravilno ovjerena i važeća, trebate se obratiti nadležnom organu koji je istu i izdao, kako biste utvrdili da li je valjana, jer Agencija u skladu s nadležnostima definisanim u članu 92. stav (3) Zakona, nije nadležna da tumači potvrde drugih organa i utvrđuje njihovu valjanost.“ Kolegij Sekretarijata je dopisom, broj: 03-50-13-25-21,5/16, od 20.4.2016., navedeni odgovor Agencije za javne nabavke dostavio Komisiji za nabavke radi razmatranja i očitovanja. Komisija za nabavke je, nakon razmatranja odgovora Agencije za javne nabavke, dopisom broj: 03-16-8-1185-11a/15, od 13.5.2016. upoznala Kolegij Sekretarijata o tome da je odlučila postupiti po datom mišljenju Agencije za javne nabavke, te od Općine Ljubuški, kao organa koji je ovjerio spornu punomoć i izvršio ovjere izjava po navedenoj punomoći, zatražiti očitovanje u vezi s njenom ispravnošću/validnosti za dalju upotrebu, od čega direktno zavisi i valjanost ponude jednog od ponuđača., s čime se Kolegij Sekretarijata nije složio, pa upit Općini Ljubuški nije upućen. Nakon svega prethodno navedenog, Kolegij Sekretarijata je na 27. sjednici, održanoj 13.7.2016. ponovno razmatrao pitanje donošenja odluke o izboru najpovoljnijeg ponuđača odnosno okoćanje postupka nabavke usluga servisiranja službenih vozila, te jednoglasno zaključio ne prihvatiti preporuku Komisije za nabavke o izboru najpovoljnijeg ponuđača iz Zapisnika, broj: 03-16-8-1185-10/15, od 28.1.2016., jer smatra da je ponuda ponuđača M.R.M. export-import d.o.o. Ljubuški neprihvatljiva za ugovorni organ, zato što su izjave iz člana 45., 47. i 52. Zakona o javnim nabavkama kao sastavni dijelovi ponude, ovjerene izvan vremenske granice datog ovlaštenja u punomoći, kako je konstatovano u tački 3. Izvještaja o reviziji po nalogu, broj:

03/16-16-1-565-3/16, od 29.2.2016. te se ne mogu smatrati uredno ovjerenim izjavama prema zahtjevu iz tenderske dokumentacije, te Okvirni sporazum dodijeliti kao u dispozitivu ove odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u četiri originalna primjerka u roku od pet dana od dana prijema ove odluke.

Dostavljeno:

- AC QUATTRO d.o.o. Sarajevo, Put života 1, 71 000 Sarajevo
- M.R.M. export-import d.o.o., Put za Međugorje bb, 88 320 Ljubuški
- Sektoru za finansije
- u predmet
- a/a

KOLEGIJ SEKRETARIJATA:

Kenan Vehabović _____

Bojan Ninković _____

Marin Vukoja _____